

Nd. **402. Nefndarálit** [179. mál]

um frv. til l. um breyt. á l. nr. 75/1981, um tekjuskatt og eignarskatt, þar með talin breyting skv. l. nr. 49/1987 sem taka eiga gildi 1. janúar 1988.

Frá 1. minni hl. fjárhags- og viðskiptanefndar.

Í frumvarpi þessu felast ýmsar lagfæringar á lögum um tekjuskatt og eignarskatt sem tengjast gildistöku staðgreiðslu skatta um næstkomandi áramót. Eru þar í flestum tilfellum á ferðinni breytingar sem millipinganefndin lagði til að gerðar yrðu á lögum um tekjuskatt og eignarskatt og staðgreiðslu skatta og eru til bóta.

Skattkerfisbreyting sú, sem í frumvarpi þessu felst og fylgifrumvörpum þess, felur í sér verulega einföldun álagningar og staðgreiðslu skatta. Þessum meginmarkmiðum er þingflokkur Alþýðubandalagsins samþykkur og hefur áður lagt slíkt til með flutningi frumvarpa og tillagna. Þar skilur þó á milli stefnu Alþýðubandalagsins og ríkisstjórnarinnar að Alþýðubandalagið vill láta eitt yfir alla ganga og hefur lagt til hliðstæðar breytingar á skattlagningarreglum fyrirtækja.

Því miður er ljóst að þær breytingar, sem nú verða á staðgreiðslum einstaklinga, leiða ekki til skattalækkana hjá launafólki í heild. Þvert á móti munu þær álagningarprósentur, sem ríkisstjórnarmeirihlutinn leggur til, leiða til verulega þyngri skattbyrði einstaklinga í heild miðað við tekjur á greiðsluári. Kemur hún til með að nema allt að 25% milli árana 1987 og 1988. Þar með er einnig ljóst að það markmið að lækka eða afnema tekjuskatt af almennum launatekjum er enn jafnfjarri sem fyrr.

Tillögur þær, sem þingflokkur Alþýðubandalagsins hefur lagt fram á Alþingi í skattamálum, bæði í formi frumvarpa og breytingartillagna við einstök skattafrumvörp og fjárlög, fela í meginatriðum í sér eftirfarandi:

- Skattbyrði er færð af fólki með meðaltekjur og lægri yfir á fólk með hátekjur og eignamenn og fyrirtæki.
- Skattbyrði einstaklinga í heild er lækkuð um nálægt 1500 milljónir króna með hækkun persónufrádráttar og breytingum á skattstiganum. Sú hækkun er borin uppi af auknum skattgreiðslum eignamanna, fjármagnseignenda og fyrirtækja.
- Frádráttarheimildir fyrirtækja eru afnumdar, komið í veg fyrir að einkaeyðsla og risna sé færð á kostnað fyrirtækja og tekjuskattsprósenta fyrirtækjanna hækkuð til samræmis við hátekjuskattþrep einstaklinga.
- Skattfrelsmörk einstaklinga hækka og skattbyrði léttist miðað við tillögur ríkisstjórnarinnar á tekjum upp að rúmlega 100 þúsund krónum á mánuði. Útgjöld vísitölufjölskyldunnar eru nú áætluð nálægt 110 þúsund krónum á mánuði.
- Skattar á tekjum yfir 110 þúsund krónum á mánuði hækka með sérstöku hátekjuskattþrepi, en samkvæmt tillögum ríkisstjórnarinnar mundu skattar lækka á hæstu tekjum frá því sem verið hefur.

Auk þess felast í tillögum Alþýðubandalagsins fjölmargar leiðréttingar og úrbætur í skattamálum, svo sem ákvæði um virkara eftirlit, ákvæði sem tryggja eiga hagsmuni leigjenda, sem ríkisstjórnin ætlar að setja út á klakann, og síðast en ekki síst má nefna frumvarp um sérstakan skattadómstól.

Á sérstöku þingskjali flytur 1. minni hl. breytingartillögur um nokkrar helstu lagfæringar sem hann telur óhjákvæmilegt að gera á frumvarpi ríkisstjórnarinnar og lögum um tekjuskatt og eignarskatt, þ.e. þau ákvæði sem snerta skattlagningu einstaklinga. Um rökstuðning fyrir þeim tillögum vísast til þess sem að framan er rakið, til sérálits Ragnars Árnasonar í skýrslu millipínganefndar um staðgreiðslu skatta sem birt er sem fylgiskjal með nefndarálitinu og að lokum í útreikninga Þjóðhagsstofnunar á tillögu undirritaðs fyrir hönd Alþýðubandalagsins sem birt er sem fylgiskjal II.

Tekið skal fram að athugun Þjóðhagsstofnunar nær einungis til þess mismunar sem er á tillögum undirritaðs og ríkisstjórnarinnar hvað varðar persónufrádrátt og breyttan skattstiga.

Alþingi, 21. des. 1987.

Steingrímur J. Sigfússon.

Fylgiskjal I.

Sérálit Ragnars Arnasonar:

Millipinganevnd um staðgreiðslu skatta. (15. nóvember 1987.)

1. Inngangur.

Á Alþingi síðla vetrar 1987 gafst þingflokkum lítið ráðrúm til að athuga frumvörp þáverandi ríkisstjórnar um staðgreiðslu opinberra gjalda og tekjuskatt og eignarskatt. Af þeim sökum óskaði þingmaður Alþýðubandalagsins, Svavar Gestsson, eftir því að skipuð yrði sérstök millipinganevnd til að fjalla áfram um þessi skattamál ásamt ríkisstjórninni fram á haustið. Þáverandi fjármálaráðherra, Þorsteinn Pálsson, tók undir þessa ósk og lýsti því yfir að hann hefði ákveðið að skipa slíka nefnd. Þetta gerðist á þingfundi neðri deildar 10. mars sl.

Nefndin var hins vegar ekki skipuð fyrr en í september 1987 og hélt sinn fyrsta fund 7. september, næstum hálfu ári eftir að fjármálaráðherra gaf fyrirheit sitt. Afleiðing þessa seinlætis hefur orðið sú að nefndinni hefur gefist allt of lítill tími til að vinna starf sitt. Hefur það sett mark sitt á nefndarstarfið með ýmsum hætti. Í fyrsta lagi hefur nefndin neyðst til að taka afstöðu til ýmissa atriða án fullnægjandi skoðunar að mínu áliti. Í öðru lagi hafa ýmsar af hugmyndum nefndarinnar um framkvæmdaatriði reynst tæknilega óframkvæmanlegar vegna þess hvað skammur tími hefur verið til stefnu. Í þriðja lagi hefur talsvert skort á að unnt hafi reynst að sjá nefndinni fyrir öllu því gagnaefni og útreikningum sem hún óskaði eftir. Allt hefur þetta haft óheillavænleg áhrif á starf nefndarinnar og dregið úr gildi hennar miðað við það sem upphaflega var til ætlast.

Rétt er og skylt að taka fram að þessari gagnrýni er síður en svo beint að formanni nefndarinnar sem hefur stjórnað starfi hennar af einstakri atorku og því síður að þeim sérfræðingum frá embætti ríkisskattstjóra og Þjóðhagsstofnun sem hafa aðstoðað nefndina og unnið þryðilegt starf.

2. Efnisatriði.

Ég styð flest meginatriðin í áliti nefndarinnar. Álitið felur að mínu mati í sér margar mikilsverðar tillögur um endurbætur á núverandi lögum um beina skatta og staðgreiðslu þeirra. Jafnframt er í nefndarálitinu að finna gagnlegar upplýsingar um sennileg áhrif kerfisbreytingarinnar á hag ýmissa þjóðfélagshópa og skatttekjur hins opinbera. Á hinn bóginn verð ég að hafa fyrirvara um og gera athugasemdir við ýmis atriði í nefndarálitinu, þar sem skoðanir mínar hafa ekki hlotið nægilegan hljómgrunn. Þeirra á meðal eru eftirfarandi:

1. Skattstigi.

Í nefndarálitinu er gert ráð fyrir föstu skatthlutfalli, 28,5%. Þetta þýðir að tekjuskattur á allra hæstu tekjur mun að öllum líkindum lækka frá því sem nú er. Ástæðan er sú að þorri tekna hinna allra tekjuhæstu er nú í hæsta skattþrepi, 38,5%. Þar sem hæsta skattþrep verður nú 28,5% munu tekjuskattar hinna allra tekjuhæstu verða lægri í hinu nýja staðgreiðslukerfi en í núverandi kerfi. Hins vegar mun skattþyrði miðlungstekjufólks yfirleitt hækka.

Þetta tel ég í hæsta máta óeðlilegt og óréttlátt og legg til að úr verði bætt með því að hafa herra skattþrep, t.d. 35%, fyrir hæstu tekjur. Því miður reyndist ekki unnt að fá nauðsynleg gögn og útreikninga um þetta efni lögð fyrir nefndina áður en hún lauk störfum og er því ekki unnt að tilgreina nú við hvaða tekjur hæfilegt er að þetta herra skattþrep hefjist.

2. Húsnæðisbætur.

Tillögur nefndarinnar um fyrirkomulag húsnæðisbóta eru ekki fullnægjandi að mínu áliti. Þyngst vegur eftirfarandi:

- a. Samkvæmt tillögum nefndarinnar eiga húsnæðisbætur að takmarkast við eignarhald á íbúð. Engin skynsamleg rök hafa fengist fyrir því að útiloka leigjendur íbúðarhúsnæðis með þessum hætti. Það virðist jafnframt óréttlátt þar sem leigjendur eru að jafnaði fátækari en húsnæðiseigendur. Þá eru sterk hagfræðileg rök fyrir því að fjárhagsleg mismunun húsnæðisforma með þessum hætti séu skaðleg fyrir þróun húsnæðismarkaðarins og því kostnaðarsöm fyrir þjóðina í heild.
- b. Samkvæmt tillögum nefndarinnar eiga húsnæðisbætur að ákvarðast við framtal, hugsanlega allt að 1½ ári eftir að viðkomandi eignast húsnæðið. Á meðan greiðir hann hins vegar fulla skatta samkvæmt staðgreiðslu. Ég tel þennan biðtíma, sem getur verið viðkomandi ærið þungbær, tæknilega óþarfan. Að mínu áliti á að greiða húsnæðisbætur eftir umsókn jafnskjótt og eignarhald hefur myndast.
- c. Hugmyndir nefndarinnar um framkvæmd og útgreiðslu húsnæðisbóta eru óþarflega þunglamalegar að mínu áliti. Auðveldast og eðlilegast sýnist mér vera að greiða hverjum einstaklingi húsnæðisbætur árlega frá þeim tíma er skilyrðunum er fyrst fullnægt. Þar með sparast veruleg og kostnaðarsöm fyrirhöfn á báða bóga. Sérlega einföldum möguleika að útfærslu af þessu tagi er nánar lýst í einu af fylgiskjölum nefndarálitsins.

3. Vaxtaafsláttur.

Ég tel að hugmyndir meiri hluta nefndarinnar um áframhaldandi vaxtaafslátt til þeirra sem keyptu eða byggðu íbúðarhúsnæði 1987 eða fyrr séu afar gagnrýnisverðar.

Hugmynd meiri hlutans er sú að framhald þessa vaxtaafsláttar sé takmarkað við vissan árafjölda (sex eða tíu ár). Jafnframt er upphæð vaxtaafsláttarins takmörkuð á árinu 1988. Þetta þýðir í stuttu máli að ýmsir þeirra sem keyptu eða byggðu 1987 eða fyrr kunna að njóta verulega minni lækkunar skatta vegna vaxtakostnaðar í hinu nýja skattkerfi en í núverandi kerfi.

Þar sem húsnæðislán eftir 1980 bera yfirleitt allháa vexti auk verðtryggingar og eru til lengri tíma en áður eru þau nú greidd niður á mun lengri tíma en áður var. Því er umtalsverður vaxtakostnaður vegna íbúðarhúsnæðis nú langvinnari en áður. Því má ætla að allmargir verði fyrir skakkaföllum miðað við það sem þeir máttu búast við þegar þeir festu kaup á íbúðarhúsnæði ef hugmyndir nefndarinnar verða að veruleika. Með tilliti til þess að ýmsir í þessum hópi hafa þegar orðið fyrir ósmáum áföllum vegna fyrri stjórnvaldsaðgerða álit ég hugmyndir nefndarinnar um þetta efni einstaklega óheppilegar svo að ekki sé meira sagt.

Eðlilegast sýnist mér að vaxtafrádráttur verði ótímabundinn með öllu fyrir þann hóp sem hans á að njóta.

4. „Misgengishópur“.

Ég er andvígur þeirri afstöðu meiri hluta nefndarinnar að hafna því að mæta hluta af vanda þess fólks, sem hvað harðast varð úti vegna lána til íbúðarhúsnæðis á árunum 1982–1984, með sérstökum skattaafslætti. Ég tel að slíkt sé framkvæmanlegt innan ramma staðgreiðslulaganna og næsta hæpið hjá meiri hluta nefndarinnar að vísa vandamálinu annað.

5. Störf hafin að loknu tekjuleysistímabili.

Ljóst er að fjárhagsleg staða þeirra sem hefja störf að loknu tekjuleysistímabili er talsvert erfiðari í staðgreiðslukerfi en í kerfi eftirágreiddra skatta. Á meðal slíkra aðila má nefna (i) námsmenn, (ii) þá sem verið hafa frá störfum vegna félagslegra aðstæðna, atvinnuleysis, sjúkleika eða slysa og (iii) þá sem hafa af ýmsum ástæðum dvalist erlendis. Það ætti því að koma til alvarlegra álita að setja sérstök undanþáguákvæði í skattalög vegna þessara aðila.

Á hinn bóginn virðist fráleitt að veita einungis einum hópi af þessu tagi, þeim sem hafa haft tekjur erlendis, sérstaka ívilnun eins og gerð er tillaga um í kafla 3.5. í nefndarálitinu. Þetta er sérstaklega undarlegt með tilliti til þess að þessi hópur er tvímælalaust betur stæður en hinir sem að ofan voru nefndir og nefndin hafnaði að taka tillit til.

6. Gjafir til menningarmála o.s.frv.

Meiri hl. gerir tillögu um að fyrirtækjum sé heimilt að draga gjafir til menningarmála, vísindalegra rannsóknarstarfa, viðurkenndrar líknarstarfsemi og kirkjufélaga frá tekjum. Meiri hl. hafnaði því á hinn bóginn að veita einstaklingum sama rétt.

Þetta tel ég með öllu fráleitt. Mismunun á milli einstaklinga og fyrirtækja að þessu leyti er til þess fallin að styrkja hag þeirra sem eiga og stjórna fyrirtækjum á kostnað þeirra sem ekki eru í slíkri aðstöðu. Þar að auki er enginn vafi á því að neytendur munu verða að greiða þessi framlög í hærra vöruverði. Sú skattalækkun fyrirtækja, sem af þessu hlýst, mun einnig verða lögð á herðar einstaklinganna því að einhver verður að greiða þessa skatta.

Eðlilegra væri að einstaklingar og fyrirtæki sætu við sama borð að þessu leyti. Eðlilegast væri þó að einstaklingar hefðu þennan rétt en fyrirtæki ekki.

7. Áfrýjunarnefnd; Neyðarsjóður.

Fyrirhugaðar breytingar á skattareglum eru viðamiklar og margbrotnar. Fullvíst má telja að þær komi að nokkru leyti niður með hætti sem ekki er fyrirséður og harðar á vissum skattþegnum en til er ætlast. Það virðist því sjálfsagt mál að búast við þessu með formlegri stofnsetningu nokkurs konar áfrýjunarnefndar sem mundi starfa þar til mestu agnúarnir hefðu verið sniðnir af hinu nýja skattkerfi. Áfrýjunarnefndin mundi fjalla um mál þeirra einstaklinga sem yrðu sérstaklega hart úti vegna kerfisbreytingarinnar og bæta áföll þeirra með framlögum úr sérstökum sjóði, nokkurs konar neyðarsjóði, eftir því sem við ætti.

Fylgiskjal II.

Pjóðhagsstofnun:

Athugun á tillögu Alþýðubandalags um tekjuskatta. (16. desember 1987.)

Að beiðni fjármálaráðuneytis hefur Pjóðhagsstofnun gert athugun á tillögu Steingríms J. Sigfússonar, alþingismanns fyrir Alþýðubandalag, um breytingar á tekjusköttum. Greinargerð um þessa athugun og samanburður á henni og frumvarpi ríkisstjórnarinnar fylgir hér á eftir.

Forsendur.

Samanburðurinn er gerður á meðalverðlagi ársins 1987 og er framreikningurinn eins og í lögum um tekjuskatt og eignarskatt. Í þessu felst að fjárhæðir miðast við lánskjaravísitölu í desember 1986 (1542 stig), með gildistíma janúar til júní, og í júní 1987 (1687 stig), með gildistíma júlí–desember. Allar fjárhæðir í frumvarpi ríkisstjórnarinnar eru á verðlagi 1. júní 1987 og er gert ráð fyrir að fjárhæðir í tillögu Alþýðubandalags séu á sama verðlagi. Athugunin er gerð á grundvelli framtala 1987 vegna tekna ársins 1986 og hækkun tekna milli ára er metin 37,5%.

Tillaga Alþýðubandalags og frumvarp ríkisstjórnarinnar.

Í tillögu Alþýðubandalagsins er gert ráð fyrir tveimur skattstigum og hækkun persónuafsláttar. Barnabætur og aðrir afsláttarliðir eru hins vegar eins og í frumvarpi ríkisstjórnarinnar. Til glöggvunar er þessum tillögum stillt hér upp saman.

	Frv. ríkisstjórnar	Till. Alþýðubandalags	
		Fjárhæðir 1. júní 1987	Fjárhæðir Meðalverðlag
Skattstigi tekjuskatts	28,50%	26,75% að 744 000 38,00% >744 000	að 712.025 > 712.025
Útsvarshlutfall	6,25%	6,25%	

	Frv. ríkisstjórnar		Till. Alþýðubandalags	
	Fjárhæðir 1. júní 1987	Fjárhæðir Meðalverðlag	Fjárhæðir 1. júní 1987	Fjárhæðir Meðalverðlag
Persónuafsláttur	158 020	151 450	188 000	179 920
Barnabætur				
Með 1. barni	14 650	14 020	14 650	14 020
Með 2. barni og yfir	21 975	21 030	21 975	21 030
Barnabætur vegna barna yngri en 7 ára	29 300	28 040	29 300	28 040
Lágmarks barnabætur einstæðra foreldra	43 950	42 061	43 950	42 061
Barnabótaauki	34 940	33 438	34 940	33 438
Húsnæðisbætur	38 000	36 367	38 000	36 367
Sjómmaafsláttur	365	350	365	350

Heildarskattlagning.

Munurinn á þessum tillögum felst eingöngu í skattstiga og persónuafslætti og verður því látið nægja að bera saman mismun á reiknuðum tekjuskatti fyrir og eftir persónuafslátt. Dagpeningar og ökutækjastyrkir eru hér að fullu skattlagðir. Hærri skattstigi á hærri tekjur í tillögum Alþýðubandalags mundi einnig auka virði frádráttar vegna ökutækjastyrks og dagpeninga en ekki eru tók á að meta þau áhrif og má ætla að um sé að ræða nokkra tugi milljóna (fjárhæðir í millj. kr.).

	Frumvarp ríkisstjórnar	Tillaga Alþýðu- bandalags	Mismunur	Mismunur
Allir framteljendur:				
Reiknaður tekjuskattur fyrir persónuafslátt	33 240	34 615	+1 375	4,1%
Nýttur persónuafsláttur	23 515	26 375	+2 860	12,2%
Reiknaður tekjuskattur eftir persónuafslátt	9 725	10 245	-1 485	-15,3%
Einhleypir:				
Reiknaður tekjuskattur fyrir persónuafslátt	10 090	10 090	0	0,0%
Nýttur persónuafsláttur	8 020	8 710	+690	8,6%
Reiknaður tekjuskattur eftir persónuafslátt	2 070	1 380	-690	33,3%
Einstæðir foreldrar:				
Reiknaður tekjuskattur fyrir persónuafslátt	1 215	1 215	0	0,0%
Nýttur persónuafsláttur	900	1 010	+110	12,2%
Reiknaður tekjuskattur eftir persónuafslátt	315	205	-110	-34,9%
Hjón og sambýlisfólk:				
Reiknaður tekjuskattur fyrir persónuafslátt	21 120	22 485	+1 365	6,5%
Nýttur persónuafsláttur	13 965	15 960	+1 995	14,3%
Reiknaður tekjuskattur eftir persónuafslátt	7 155	6 525	-630	-8,8%
Aðrir-afb. álagning:				
Reiknaður tekjuskattur fyrir persónuafslátt	815	825	+10	1,2%
Nýttur persónuafsláttur	630	695	+65	10,3%
Reiknaður tekjuskattur eftir persónuafslátt	185	130	-55	-29,7%

Í tillögu Alþýðubandalags felst að heildarskattar yrðu um 1,5 milljörðum lægri en í frumvarpi ríkisstjórnarinnar. Skattalækkun er mest til einhleypra og einstæðra foreldra en minnst til hjóna.

Þá fylgja hér með tvær töflur sem sýna breytingar á skattbyrði eftir tekjuhópum. En þar kemur fram að samkvæmt tillögu Alþýðubandalags yrðu skattar á tekjur lægri en í stjórnarfrumvarpi um allt að 1300 þús. kr. Meðalskattar lækka um 10 þús. kr.

Dreifing tekna og skatta 1987
 Álagðir skattar að frádrögnum persónuafslætti

Aætlaður tekju- skattst.	Fjöldi	Hlutfalls- leg dreif- ing fram- teljenda	Meðal- tekjur þús.kr.	Hlutfalls- leg dreif- ing tekna	Stjórnarfrumvarp		Tillaga		Alþ.bl.
					Meðal- skattar þús.kr.	Heildar skattar m.kr.	Meðal- skattar þús.kr.	Heildar skattar m.kr.	
- 0	0	0	0	0	
-100	8428	4.9%	58	.4%	0	0	0	0	
-200	13026	7.5%	153	1.7%	0	0	0	0	
-300	17961	10.4%	252	3.9%	0	0	0	0	
-400	21075	12.2%	349	6.4%	0	0	0	0	
-500	18534	10.7%	447	7.2%	6	109	0	0	
-600	16265	9.4%	549	7.7%	36	578	4	62	
-700	13865	8.0%	650	7.8%	67	928	29	396	
-800	11088	6.4%	749	7.2%	97	1079	58	642	
-900	10724	6.2%	847	7.9%	129	1384	95	1016	
-1000	7932	4.6%	949	6.5%	162	1285	135	1071	
-1100	7209	4.2%	1054	6.6%	197	1417	179	1288	
-1200	5187	3.0%	1148	5.2%	225	1168	214	1110	
-1300	4407	2.5%	1248	4.8%	258	1138	256	1128	
-1400	3767	2.2%	1351	4.4%	293	1104	301	1133	
-1500	2752	1.6%	1448	3.5%	285	895	342	940	
-1600	2203	1.3%	1548	3.0%	356	784	381	839	
-1700	1822	1.1%	1648	2.6%	391	713	426	776	
-1800	1390	.8%	1749	2.1%	421	585	464	645	
-1900	1003	.6%	1846	1.6%	455	456	507	508	
-2000	889	.5%	1944	1.5%	488	434	549	488	
-2100	690	.4%	2050	1.2%	523	361	595	410	
-2200	500	.3%	2151	.9%	556	278	637	319	
-2300	412	.2%	2247	.8%	584	241	672	277	
-2400	302	.2%	2351	.6%	620	187	718	217	
-2500	309	.2%	2448	.7%	656	203	765	237	
-2600	212	.1%	2548	.5%	684	145	801	170	
-2700	177	.1%	2646	.4%	716	127	842	149	
-2800	188	.1%	2752	.4%	770	145	910	171	
-2900	116	.1%	2854	.3%	798	93	947	110	
-3000	120	.1%	2948	.3%	816	98	970	116	
-3100	103	.1%	3045	.3%	854	88	1019	105	
-3200	73	.0%	3150	.2%	897	66	1073	78	
-3300	61	.0%	3248	.2%	926	57	1110	68	
-3400	53	.0%	3345	.2%	957	51	1149	61	
-3500	42	.0%	3441	.1%	988	42	1190	50	
-3600	45	.0%	3549	.1%	1011	46	1218	55	
-3700	32	.0%	3654	.1%	1059	34	1278	41	
-3800	20	.0%	3745	.1%	1105	22	1335	27	
Yfir	147	.1%	4647	.6%	1411	207	1727	254	
Samtals	173129	100.0%	674	100.0%	96	16544	86	14955	

ÞJÓÐHAGSSTOFNUN

Áætlaður tekjust.Fjöldi	Samsafnaðar tölur				Samsafnaðar tölur			
	-----		-----		-----		-----	
	Stjórnar frumvarp	Tillaga Alp.bl.	Stjórnar frumvarp	Tillaga Alp.bl.	Stjórnar frumvarp	Tillaga Alp.bl.	Stjórnar frumvarp	Tillaga Alp.bl.
Hlutfalls- leg dreif- ing fram- teljenda	Hlutfalls- leg dreif- ing tekna	Hlutfalls- leg dreif- ing skatt- greiðslna	Hlutfalls- leg dreif- ing skatt- greiðslna	Hlutfalls- leg dreif- ing skatt- greiðslna	Hlutfalls- leg dreif- ing skatt- greiðslna	Hlutfalls- leg dreif- ing skatt- greiðslna	Hlutfalls- leg dreif- ing skatt- greiðslna	
- 0	0	.0%	.0%	0		
-100	8428	4.9%	.4%	.0%	.0%	0		
-200	21454	12.4%	2.1%	.0%	.0%	.0%	.0%	
-300	39415	22.8%	6.1%	.0%	.0%	.0%	.0%	
-400	60490	34.9%	12.5%	.0%	.0%	.0%	.0%	
-500	79024	45.6%	19.6%	.7%	.0%	.7%	.0%	
-600	95289	55.0%	27.4%	3.5%	.4%	4.2%	.4%	
-700	109154	63.0%	35.2%	5.6%	2.6%	9.1%	3.1%	
-800	120242	69.5%	42.4%	6.5%	4.3%	12.1%	6.9%	
-900	130966	75.6%	50.3%	8.4%	6.8%	14.9%	11.1%	
-1000	136898	80.2%	56.8%	7.8%	7.2%	16.1%	14.0%	
-1100	146107	84.4%	63.4%	8.6%	8.6%	16.3%	15.8%	
-1200	151294	87.4%	68.6%	7.1%	7.4%	15.6%	16.0%	
-1300	155701	89.9%	73.4%	6.9%	7.5%	13.9%	15.0%	
-1400	159468	92.1%	77.8%	6.7%	7.6%	13.5%	15.1%	
-1500	162220	93.7%	81.2%	5.4%	6.3%	12.1%	13.9%	
-1600	164423	95.0%	84.2%	4.7%	5.6%	10.1%	11.9%	
-1700	166245	96.0%	86.8%	4.3%	5.2%	9.0%	10.8%	
-1800	167635	96.8%	88.9%	3.5%	4.3%	7.8%	9.5%	
-1900	168638	97.4%	90.5%	2.8%	3.4%	6.3%	7.7%	
-2000	169527	97.9%	92.0%	2.6%	3.3%	5.4%	6.7%	
-2100	170217	98.3%	93.2%	2.2%	2.7%	4.8%	6.0%	
-2200	170717	98.6%	94.2%	1.7%	2.1%	3.9%	4.9%	
-2300	171129	98.8%	95.0%	1.5%	1.9%	3.1%	4.0%	
-2400	171431	99.0%	95.6%	1.1%	1.4%	2.6%	3.3%	
-2500	171740	99.2%	96.2%	1.2%	1.6%	2.4%	3.0%	
-2600	171952	99.3%	96.7%	.9%	1.1%	2.1%	2.7%	
-2700	172129	99.4%	97.1%	.8%	1.0%	1.6%	2.1%	
-2800	172317	99.5%	97.6%	.9%	1.1%	1.6%	2.1%	
-2900	172433	99.6%	97.9%	.6%	.7%	1.4%	1.9%	
-3000	172553	99.7%	98.2%	.6%	.8%	1.2%	1.5%	
-3100	172656	99.7%	98.5%	.5%	.7%	1.1%	1.5%	
-3200	172729	99.8%	98.7%	.4%	.5%	.9%	1.2%	
-3300	172790	99.8%	98.8%	.3%	.5%	.7%	1.0%	
-3400	172843	99.8%	99.0%	.3%	.4%	.6%	.9%	
-3500	172885	99.9%	99.1%	.3%	.3%	.6%	.7%	
-3600	172930	99.9%	99.2%	.3%	.4%	.5%	.7%	
-3700	172962	99.9%	99.3%	.2%	.3%	.5%	.6%	
-3800	172982	99.9%	99.4%	.1%	.2%	.3%	.5%	
Yfir	173129	100.0%	100.0%	1.3%	1.7%	1.4%	1.9%	

Aths. Miðað er við áætlaðan tekjuskattstofn við staðgreiðslu 1987. Hér er um að ræða álagðan tekjuskatt og útsvar að frádrögnum persónu-afslatti. Þannig er ekki tekið tillit til afsláttar vegna barnabóta ofl. Ökutækjastyrkur og dagpeningar eru taldir til skattstofns að hálfu.